

Seminar: "Architecture, Design and the City of the Future" on March 20, 2019 at 09:45am at Tbilisi History Museum Karvasla

გამოფენა და სემინარი იტალიელი და ქართველი არქიტექტორების მონაწილეობით

"იტალიური დიზაინის დღესთან" დაკავშირებით 2019 წლის 20 მარტს 09:45 საათზე, თბილისში, იოსებ გრიშაშვილის სახელობის თბილისის ისტორიის მუზეუმში (სიონის ქ. 8) გაიმართება სემინარი "არქიტექტურა, დიზაინი და მომავლის ქალაქი" იტალიელი არქიტექტორების მონაწილეობით და გაიხსნება გამოფენა "Italian Architecture Prize 2018", რომელიც ღია იქნება მნახველისთვის 2019 წლის 30 მარტამდე.

კონფერენცია გაიმართება, იტალიის ელჩის საქართველოში ანტონიო ბარტოლის პატრონაჟით,



To celebrate the Italian Design Day 2019, the Ambassador of Italy, Antonio Bartoli, requests the pleasure of Your company at the seminar

Architecture, Design, and the City of the Future

March 20, 2019 at 9:45 am

Tbilisi History Museum Karvasla, 8 Sioni str.

Please confirm your attendance to: tbilisi.eventi@esteri.it Tel.: 2921586

Working language: English



Photo © Federico Cozzani



Ambasciata d'Italia in Tbilisi

დიზაინი ერთ-ერთ მთავარი მიმართულებაა, რომელიც იტალიის საგარეო საქმეთა და საერთაშორისო თანამშრომლობის სამინისტროს ინიციატივის "Vivere All'Italiana" ("იცხოვრე იტალიური ცხოვრების წესით") პოპულარიზაციას ემსახურება. ეს ინიციატივა საელჩოების, საკონსულოებისა და მთელ მსოფლიოში არსებული იტალიური კულტურის ცენტრების მეშვეობით ხორციელდება. იტალიური გამოცდილების გასაზიარებლად, "იტალიური დიზაინის დესპანად" წოდებული ასობით იტალიელი არქიტექტორი, მეწარმე, ჟურნალისტი და დიზაინერი მონაწილეობს სხვადასხვა ქვეყნებში იტალიური დიპლომატიური წარმომადგენლობის მიერ ორგანიზებულ ღონისძიებებში.



წლევანდელი "იტალიური დიზაინის დღის" თემა კავშირი დიზაინსა და მომავლის ქალაქებს შორის და დიზაინის როლი (როგორც დარგის, რომელსაც ეკოლოგიური და ინოვაციური გადაწყვეტილებების შემუშავება ეკისრება თანამედროვე ქალაქების "ჭკვიან ქალაქებად" გარდაქმნის პროცესში). ეს თემა წლევანდელი, 22-ე საერთაშორისო გამოფენის **"Triennale di Milano"** და ავეჯის 58-ე საერთაშორისო გამოფენის **"Salone del Mobile"** მთავარი თემაცაა.

ლონისძიების "არქიტექტურა, დიზაინი და მომავლის ქალაქი" ორგანიზატორია იტალიის საელჩო საქართველოში, **იტალიის არქიტექტორების, დამპროექტებლებისა და ლანდშაფტის არქიტექტორების ეროვნულ საბჭოსთან, საქართველოს ეროვნულ მუზეუმთან და თავისუფალ უნივერსიტეტთან** თანამშრომლობით. ლონისძიების მიზანია წარმოაჩინოს ის იდეები, პროექტები და გადაწყვეტილებები, რომლებიც საინტერესო და მნიშვნელოვანია ქალაქში ცხოვრების ხარისხის გაუმჯობესებისა და მომავლის ქალაქებზე მსჯელობის ხელშეწყობის კუთხით.

გამოფენა "Italian Architecture Prize 2018", რომელიც სემინართან ერთად გაიხსნება, ღია იქნება მნახველისთვის 2019 წლის 30 მარტამდე.



სემინარი, რომლის სამი ნაწილი თანამედროვე იტალიურ არქიტექტურას, "ჭკვიან ქალაქებსა" და რესტავრაციას ეძღვნება, დაიწყო იტალიის ელჩის ანტონიო ბარტოლის, იტალიის არქიტექტორების ეროვნული საბჭოს წევრის, პროფ. ლივიო საკისა და თავისუფალი უნივერსიტეტის არქიტექტურის პროგრამის ხელმძღვანელის, პროფ. ჯესი ვოგლერისმისასალმებელი სიტყვით.


პირველ ნაწილში მონაწილეობას მიიღებენ იტალიის არქიტექტურული პრემიით დაჯილდოებული არქიტექტორები: ფრანჩესკო მანიანი (არქიტექტურის, ურბანული განვითარებისა და დიზაინის დარგში მომუშავე საერთაშორისო ბიურო **MAP Studio**) რამოდენიმე პროექტს წარადგენს, მათ შორის, ვენეციის არსენალის "Torre di Porta Nuova"-ს რესტავრაცია-აღდგენის პროექტს, 2018 წელს იტალიის არქიტექტურული პრემიით დაჯილდოებული ვენეციის ტრამვაის პლატფორმისა და ვენეციის არქიტექტურის ბიენალეს საგამოფენო პავილიონის პროექტებს. სტეფანო რაგაცო (იტალიაში, ესპანეთში, გერმანიაში, ავსტრიაში, საბერძნეთში, უკრაინაში, პორტუგალიასა და ჰოლანდიაში განხორციელებული მრავალრიცხოვანი პროექტების ავტორი არქიტექტორების ჯგუფი **Orizzontale**) თავის მოხსენებაში "საერთო სივრცეთა აგება" მოგვითხრობს კავშირზე ადამიანსა და მის გარშემო არსებულ ურბანულ პეიზაჟს შორის და, ასევე, ქალაქის მაცხოვრებლებსა და ქალაქის ადმინისტრაციებს შორის ახალი ტიპის თანამშრომლობაზე.



სემინარის მეორე ნაწილში მონაწილეობას მიიღებს მილანის პოლიტექნიკური ინსტიტუტის დიზაინის ფაკულტეტის დოცენტი ბარბარა კამოჩინის პრეზენტაციით "The city that talks", რომელიც ეხება თანამედროვე ინტერიერების ფუნქციურ სივრცეებად გარდაქმნის პროცესებსა და ურბანული განვითარების ახალ ტენდენციებს. მაურო ანუნციატო(ENEA) ისაუბრებს ევროპასა და იტალიაში არსებულ "ჭკვიან ქალაქებზე", ქალაქის მონაცემთა მართვაზე, ქალაქის განახლებაზე, გარე განათებასა და "ჭკვიან" სერვისებზე, ასევე, ურბანული ინფრასტრუქტურების კვლევასა და მონიტორინგზე.

სემინარი დასრულდება პროფ. ლივიო საკის მოხსენებით "რესტავრაცია: ეთიოპიის არქიტექტურული მემკვიდრეობა", რომელიც ეხება ეთიოპელი და იტალიელი მეცნიერების, ტექნიკოსებისა და ხელოსნების ერთობლივი მუშაობის შესანიშნავ შედეგს: იმპერატორ იოჰანეს IV-ის სასახლისა და იმპერატორ მენელიკ II-ის სასახლის რესტავრაციას ადის-აბებაში.

ამ ღონისძიებაზე, ისევე, როგორც სემინარზე "როგორ შეიძლება ძველი ქალაქი ჭკვიან ქალაქად იქცეს?", იტალიელი ექსპერტები საკუთარ ცოდნასა და გამოცდილებას ქართველ პარტნიორებს გაუზიარებენ.



სემინარის პროგრამა და მონაწილეების მოკლე ინფორმაცია იხილეთ მიმაგრებულ ფაილში.

წყარო: https://ambtbilisi.esteri.it/Ambasciata_Tbilisi/ka/ambasciata/news/dall_ambasciata/il-design-e-le-citta-del-futuro.html?fbclid=IwAR32TJhFtJXZCA6eyHXNj-kOjHXpoI-un8GaoVf1ThXO9zx1kI8jUKH0Olc